

SLUŽBENI GLASNIK



BRČKO DISTRIKTA

BOSNE I HERCEGOVINE

Godina XXI - Broj 4

Ponedjeljak, 3. februar 2020. godine
BRČKO

Bosanski jezik

21

Na osnovu člana 40 stava 1 i člana 144 stava 2 Poslovnika o radu Skupštine Brčko distrikta BiH - prečišćeni tekst (Službeni glasnik Brčko distrikta BiH, broj 54/18), Komisija za mlade je na 4. sjednici održanoj 16. decembra 2019. godine, usvojila

DOPUNE POSLOVNIKA O RADU KOMISIJE ZA MLADE SKUPŠTINE BRČKO DISTRIKTA BOSNE I HERCEGOVINE

Član 1

U Poslovniku o radu Komisije za mlade Skupštine Brčko distrikta BiH (Službeni glasnik Brčko distrikta BiH, broj 41/13) u članu 5 stavu 1 iza riječi „odluke,,, dodaje se riječ „zaključke,,.

Član 2

U članu 12 stavu 3 iza riječi „odluke,,, dodaje se riječ „zaključak,,.

Član 3

Dopune ovog poslovnika stupaju na snagu danom usvajanja i objavit će se u Službenom glasniku Brčko distrikta BiH.

Broj: 01.20 -02- 1303 /19
Brčko, 16. 12. 2019. godine

PREDSEDavajući KOMISIJE
Suad Burić, s. r.

22

Pravosudna komisija Brčko distrikta Bosne i Hercegovine, na osnovu odredbe člana 71 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), odredbe člana 14 Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br.: 19/07, 20/07 i 2/08) i odredbi članova 32 stava 4 i 297 stava 1 tačke a) Zakona o stečaju (Službeni glasnik Brčko distrikta Bosne i Hercegovine, broj 16/19), na 210. redovnoj sjednici, održanoj 19. 11. 2019. godine, donosi

PRAVILNIK O IZGLEDU I SADRŽAJU OBRASCA PRIJEDLOGA ZA POKRETANJE PREDSTEČAJNOG POSTUPKA

Član 1

Ovim pravilnikom propisuje se izgled i sadržaj obrasca prijedloga za pokretanje predstečajnog postupka.

Član 2

Predstečajni postupak, u skladu sa zakonom, pokreće se prijedlogom:

- dužnika i
- povjerioca.

Član 3

Izgled i sadržaj obrasca prijedloga za pokretanje predstečajnog postupka dati su na obrascima 1 i 2 u prilogu koji čini sastavni dio ovog pravilnika.

Član 4

- Uz prijedlog dužnika za otvaranje predstečajnog postupka iz člana 1 ovog pravilnika, u skladu sa zakonom, dostavljaju se sljedeći dokumenti:
 - aktuelni izvod iz sudskog registra ne stariji od trideset (30) dana,
 - potvrda o statusu transakcijskih računa izdata od strane Centralne banke Bosne i Hercegovine ne starija od petnaest (15) dana,
 - izvještaj o finansijskom stanju i poslovanju dužnika,
 - popis imovine i prava dužnika koja su upisana u odgovarajuće registre,
 - ponuda dužnika povjericima o načinu, rokovima i uslovima namirenja potraživanja,
 - opis pregovora s povjericima, ako su prethodili prijedlogu za otvaranje predstečajnog postupka, uključujući i potrebne obavijesti dostavljene povjericima koji učestvuju u postupku,
 - dokaz o broju zaposlenih na posljednji dan u mjesecu koji prethodi danu podnošenja prijedloga,
 - plan restrukturiranja.
- Za davanje neistinitog ili nepotpunog popisa imovine i obaveza dužnik odgovara kao za davanje lažnog iskaza u skladu s odredbama Krivičnog zakona Brčko distrikta BiH.

Član 5

Uz prijedlog povjerioca za otvaranje predstečajnog postupka iz člana 1 ovog pravilnika, u skladu sa zakonom, dostavljaju se sljedeći dokumenti:

- izvještaj o finansijskom stanju i poslovanju dužnika,
- plan restrukturiranja,
- popis imovine i prava dužnika koja su upisana u odgovarajuće registre,
- dokaz o broju zaposlenih na posljednji dan u mjesecu koji prethodi danu podnošenja prijedloga i
- dokaz o saglasnosti dužnika.

Član 6

Obrazac iz člana 3 ovog pravilnika objavljuje se na internet stranici, oglasnoj tabli, elektronskoj tabli Osnovnog suda Brčko distrikta BiH i internet stranici Pravosudne komisije Brčko distrikta BiH.

Član 7

Ovaj pravilnik stupa na snagu danom donošenja i objavit će se u Službenom glasniku Brčko distrikta BiH.

Broj: SuPK-03-1874/19

Datum: 19. 11. 2019. godine

**PREDSJEDNIK
PRAVOSUDNE KOMISIJE**
Safet Pizović, s. r.

PRILOG**Obrazac 1****IZGLED I SADRŽAJ OBRASCA PRIJEDLOGA ZA POKRETANJE PREDSTEČAJNOG POSTUPKA**

(naziv nadležnog suda)

(adresa nadležnog suda)

PRIJEDLOG DUŽNIKA ZA POKRETANJE PREDSTEČAJNOG POSTUPKA**PODACI O PODNOSIOCU PRIJEDLOGA-PRAVNO LICE**

Naziv / poslovno ime pravnog lica

JIB _____

MB _____

Sjedište / poslovna adresa

PODACI O PODNOSIOCU PRIJEDLOGA-FIZIČKO LICE

Ime i prezime

JMB _____

LK BROJ _____

Adresa prebivališta _____

Na osnovu člana 32 Zakona o stečaju, podnosim prijedlog za otvaranje predstečajnog postupka nad dužnikom

(navesti: poslovno ime/ime i prezime _____, sjedište/adresa prebivališta _____, matični broj i jedinstveni identifikacioni broj dužnika/JMB i LK broj, _____, broj glavnog računa i naziv poslovne banke kod koje je otvoren _____)

Kod dužnika postoji razlog za pokretanje predstečajnog postupka prijeteća platežna nesposobnost iz sljedećih razloga:

Dokaz _____

(potvrda Porezne uprave, banke i sl.)

Popis imovine i obaveza dužnika koji sadrži:

- Nekretnine i pokretne stvari dužnika (opis svake pojedine nekretnine ili pokretne stvari s podacima potrebnim za identifikaciju)

-
-
-
- Novčana potraživanja dužnika prema dužnikovim dužnicima (iznos, ime i prezime/naziv, jedinstveni identifikacioni broj i adresu dužnikovog dužnika, pravni osnov, datum dospjeća)

 - Nenovčana potraživanja dužnika (opis potraživanja, ime i prezime/naziv, JIB i adresa dužnikovog dužnika, pravni osnov, datum dospjeća)

 - Druga prava koja čine imovinu dužnika (opis prava, procijenjena vrijednost prava ako se radi o imovinskom pravu)

 - Novčana sredstva na računima dužnika (ukupan iznos novčanih sredstava po svim računima dužnika, uz naznaku broja računa i banke, te popis svih računa otvorenih u bankama)

 - Druga imovina dužnika (opis i vrsta imovine s podacima potrebnim za identifikaciju)

 - Obaveze dužnika unesenih u poslovne knjige (popis svih obaveza pojedinačno s naznakom iznosa, ime i prezime/naziv, JIB i adresa povjerioca, datum dospjeća potraživanja, vrsta i visina kamatne stope koja se obračunava na iznos obaveze)

 - Druge novčane i nenovčane obaveze dužnika (opis obaveze, vrsta-novčane ili nenovčane, ime i prezime/naziv, JIB i adresa povjerioca, datum dospjeća potraživanja, vrsta i visina kamatne stope koja se obračunava na iznos obaveze ako se radi o novčanoj obavezi)

 - Razlučna prava na imovini dužnika (podaci o razlučnom pravu, pravni osnov, dio imovine na koji se odnosi razlučno pravo, da li je razlučno pravo upisano u javne knjige, iznos u visini kojeg postoji razlučno pravo)

- Izlučna prava (podaci o izlučnom pravu, pravni osnov i dio imovine na koji se odnosi izlučno pravo)

- Prosječni mjesečni troškovi redovnog poslovanja dužnika u posljednjih godinu dana (iznos u konvertibilnim markama, specifikacija troškova) _____

- Postupci pred sudovima ili organima uprave u kojima je dužnik stranka i visinu ili opis potraživanja koja je predmet postupka (naziv suda/ organa, vrsta postupka, poslovni broj predmeta, podaci o strankama u postupku, vrijednost predmeta spora) _____

- Potraživanja radnika i ranijih radnika dužnika, te Porezne uprave iz radnog odnosa, otpremnine do iznosa propisanog Zakonom i potraživanja po osnovu naknade štete pretrpljene zbog povrede na radu ili profesionalne bolesti

Mjesto i datum

Potpis i pečat podnosioca prijave

Napomena: Isprave koje se dostavljaju uz prijedlog za pokretanje predstečajnog postupka (član 32, član 33, član 37 tačka h) Zakona o stečaju i član 4 Pravilnika):

- a) Firma, odnosno naziv, sjedište, matični broj i jedinstveni identifikacioni broj dužnika, broj glavnog računa i naziv poslovne banke kod koje je otvoren,
- b) aktuelni izvod iz sudskog registra ne stariji od trideset (30) dana,
- c) potvrdu o statusu transakcijskih računa izdatu od strane Centralne banke Bosne i Hercegovine ne starija od petnaest (15) dana,
- d) izvještaj o finansijskom stanju i poslovanju dužnika,
- e) popis imovine i prava dužnika koja su upisana u odgovarajuće registre,
- f) ponuda dužnika povjericima o načinu, rokovima i uslovima namirenja potraživanja,
- g) opis pregovora s povjericima, ako su prethodili prijedlogu za otvaranje predstečajnog postupka, uključujući i potrebne obavijesti dostavljene povjericima koji učestvuju u postupku,
- h) dokaz o broju zaposlenih na posljednji dan u mjesecu koji prethodi danu podnošenja prijedloga,
- i) plan restrukturiranja.

Obrazac 2

(naziv nadležnog suda)

(adresa nadležnog suda)

PRIJEDLOG POVJERIOCA ZA OTVARANJE PREDSTEČAJNOG POSTUPKA

PODACI O PODNOSIOCU PRIJEDLOGA - PRAVNO LICE

Firma ili naziv (navesti poslovno ime)

JIB _____

MB _____

Sjedište/poslovna adresa

PODACI O PODNOSIOCU PRIJEDLOGA-FIZIČKO LICE

Ime i prezime

JMB _____

LK BROJ _____

Adresa prebivališta fizičkog lica _____

PODACI O DUŽNIKU

Firma ili poslovno ime/ime i prezime za dužnika pojedinca

JIB _____

MB _____

JMB _____

LK broj _____

Sjedište/poslovna adresa

Adresa prebivališta

Na osnovu člana 32 Zakona o stečaju, podnosim prijedlog za otvaranje predstečajnog postupka nad dužnikom

(navesti firmu ili naziv, odnosno ime i prezime dužnika i sjedište, odnosno adresu prebivališta dužnika):

Kod dužnika postoji razlog za pokretanje predstečajnog postupka (prijeteća nesposobnost za plaćanje, odnosno kašnjenje s plaćanjem do šezdeset (60) dana, koji se ogleda u:

Dokaz: potvrda Porezne uprave

Mjesto i datum

Potpis podnosioca prijedloga

23

Pravosudna komisija Brčko distrikta Bosne i Hercegovine, na osnovu odredbe člana 71 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), odredbe člana 14 Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br.: 19/07, 20/07 i 2/08) i odredbi članova 40 stava 5 i 297 stava 1 tačke b) Zakona o stečaju (Službeni glasnik Brčko distrikta Bosne i Hercegovine, broj 16/19), na 210. redovnoj sjednici, održanoj 19. 11. 2019. godine, donosi

PRAVILNIK O IZGLEDU I SADRŽAJU OBRASCA ZA PRIJAVU POTRAŽIVANJA U PREDSTEČAJNOM POSTUPKU

Član 1

Ovim pravilnikom propisuje se izgled i sadržaj obrasca za prijavu potraživanja u predstečajnom postupku.

Član 2

Izgled i sadržaj obrasca iz člana 1 ovog pravilnika prikazani su u prilogu Pravilnika, koji čine njegov sastavni dio.

Član 3

Obrazac iz člana 2 ovog pravilnika objavljuje se na internet stranici, oglasnoj i elektronskoj tabli Osnovnog suda Brčko distrikta BiH i internet stranici Pravosudne komisije Brčko distrikta BiH.

Član 4

Ovaj pravilnik stupa na snagu danom donošenja i objavit će se u Službenom glasniku Brčko distrikta BiH.

Broj: SuPK-03-1873/19
Brčko, 19. 11. 2019. godine

PREDSJEDNIK
PRAVOSUDNE KOMISIJE
Safet Pizović, s. r.

PRILOG

Obrazac

IZGLED I SADRŽAJ OBRASCA ZA PRIJAVU POTRAŽIVANJA POVJERIOCA U PREDSTEČAJNOM POSTUPKU

PODACI O POVJERIOCU:

Ime i prezime/firma ili naziv _____

JMB _____ /JIB _____

Adresa/sjedište _____

PODACI O DUŽNIKU:

Ime i prezime/firma ili naziv _____

JMB _____ /JIB _____